

Thales astrorum motus & curricula obliqua, quod ipsi *Apuleus* etiam tribuit, *Plinius* autem *Anaximandro* ejus discipulo, idpropter primum fores rerum aperuisse dicens, quod tamen *Oenopidi Chio Diodorus lib. 1.* acceptum fert. Sed Neutiquam veritati consentaneum esse potest, incognita hæc fuisse *Thaleti*, qui de Solstitio, & Equinoctiis, docente *Laërtio*, scripsit, qui in *Ægypto* tamdiu cum Sacerdotibus conversatus est, qui celebrem illam Solis Eclipsin, belli inter *Medos* & *Lydos* gesti tempore factam prævidisse perhibetur. Græci certe gloriosi & laudis nimium avidi eorum inventionem sæpissime sibi arrogare soliti sunt, quorum notitiam ab aliis hauserunt, adeo ut conjicere quis proculdubio posset, à Græcis *Ægyptum* frequentantibus notitiam illam in Græciam fuisse translatam, & Græcos proinde vanâ jactationis gloriâ sibi ejusmodi inventiones vindicasse. Octo annis post *Thaletis* nativitatem elapsis, natus est *Stesichorus* Lyricus Poëta, circa quod tempus *Mimnermus* Poëta floruit. *Anaximandri Miletii* Philosophi & Mathematici insignis, ac discipuli *Thaletis*, cui obliquitatis Zodiaci inventio, ut statim diximus, à *Plinio* adscribitur, nativitas ad annum M. 3339. ante C. N. 609. refertur: Eum 64. annos vixisse *Laërtius* narrat. Proximum biennium elapsum dedit *Sappho* Sapphici carminis inventricem, & *Primam*, foeminas duas poësis laude celebres, secundo post quod tempus anno in lucem est editus *Anaximenes* Philosophus Mathematicarum disciplinarum cognitione nobilis, & *Anaximandri* auditor, qui, referente *Laërtio* 64. annos vixit, ac mortuus est, cum *Sardes* caperentur. Circa 3356. Mundi annum, & 592. ante C. N. annum verò tertium Olympiadis 46. inter vivos versatus creditur *Æsopus Samius* Apologorum scriptor celebris, qui suam ipsius vitam, *Suidâ* teste, conscripsit. Est autem hic septimus captivitatis Babylonice annus, atque incidit in tempora *Ezechielis* prophetae, *Tarquini* Romanorum regis, & *Solonis* Atheniensium Legillatoris. Biennio post *Anacharsis* Scythæ Athenas venit, ut *Laërtius* commemorat: Proximo anno primam Tragediam Græci egerunt. *Onomacritus* Poëta Atheniensis, cujus poemata Orphea quædam supersunt, & *Sybilla Cumæa*, ut *Solinus* tradit, florere circa Mundi annum 3370. & ante C. N.

Pythagoras, annis 578. quo tempore *Pythagoras* Philosophus celeberrimus, post 50. Olympiadem, in Italiâ sedem Crotonæ fixit, & docuit, atque ut *Eusebius* vult, annis octuaginta usque ad 70. Olympiada floruit: Longè posterior itaque fuit *Numa Pompilius*, quo vivente Croton nondum condita erat. Primus deprehendisse dicitur *Luciferum*, & *Vesperum* eandem *Veneris* stellam esse, ut *Plinius* auctor est, quod tamen inventum *Parmenidi* apud *Laërtium Phavorinus* tribuit. Forte ad hanc matutinam & vespertinam *Veneris* cursus mutationem & conversionem quadrat *D. Augustini* illud, quod de *Ogygis* temporibus adhuc rudibus ex *Varrone* refert, mirabile in cælo extitisse portentum, *Veneris* nimirum stellam

nobilissimam mutasse magnitudinem, colorem, figuram, & cursum. Nisi quis putet, ab *Ægyptiis* edoctum *Pythagoram*, quod *Venus* & *Mercurius* Planetæ Solem gyris suis circumeuntes modò matutini, modò vespertini fiant, eâ occasione statuisse, Solem non modò illorum, & cæterorum Planetarum, sed etiam totius Universi centrum existere, ac terram quoque ipsam instar Planetæ alicujus circa Solem circumferri. Hoc enim placitum ex Scholâ ipsius prodit, ut *Aristoteles* passim & universè, ac speciatim *Laërtius* de *Philolao*, *Archimedes* de *Aristarcho*, & *Plutarchus* variis in locis testantur. Fuerunt quoque alii, qui Terram non tam circa Solem, quam dietim circa proprium suum axem moveri dixerunt, inter quos *Timæus* ejus fuit opinionis, à *Symeo* post *Platonem ἀστρονομικῶν*, i. e. Astronomus summus nuncupatus.

Anno M. 3380. & 568. ante C. N. moritur *Pittacus Mitylenæus* Philosophus & dux belli celebris, alius ab illo *Pittaco* Poëtâ, quem supra memoravimus. Quinquennio post *Euganionem* Cyrenæum Poëtâ, *Telegoniam* scriptorem innotuisse tradit *Eusebius*, & sequente anno *Æsopum* Delphis de saxo dejectum *Suidas* ait. Sexennio post hunc elapso *Ibycus* Poëta, quigrues mortis sibi à latronibus illatae ultrices futuras prædixit, in Samum insulam venit, ut ex *Diogene Laërtio* intelligitur: *Cæsi* ergo *Lydorum* regis, & *Danielis* Prophetæ temporibus vixit, ut & *Stesichorus* Poëta, oculis orbatus ob vituperia, quæ in *Helenam* cecinerat, ob eandem postea iterum laudatam pristinæ sanitati restitutus, qui anno proximo secundum *Diogenem Laërtium* mortuus est. Coætanei fuere *Simonides* Poëta, qui artem reminiscendi invenit, de Imperio *Cambysis*, & *Darii* Doricâ dialecto scripsit, ac *Threnos*, *Pæanes*, *Encomia*, *Epigrammata*, & alia composuit: Ac *Chilon* Ephorus Lacedæmonius unus de septem Sapientibus totius Græciæ. Sub sæculi Quinti post annum ter millesimum à Creatione Mundi initum celebratur *Lafus Charbini Hermionensis* filius, qui de Musices arte primus scripsit, & dityrambum in certamen adduxit, hujus sæculi anno secundo *Anaximenes* diem obiisse, & paulò post *Anaximander* primus obliquitatem Zodiaci apud Græcos demonstrasse, ac *Gnomonem* Solis conversionem, seu Solstitia, & Equinoctia indicantem Lacedæmone invenisse dicitur. Sequuti sunt anno decimo, & 538 ante C. N. *Theognis* Megarensis Poëta ex urbe prope Atticam oriundus, *Simonides*, & *Onomacriti* Orphicarum scriptoris mentionem faciens; *Xenophanes* Physicus & Poëta; ut & *Hipponax* Poëta ob vulneris foeditatem irrisus, quem irrisores quosdam suos carminis sui amaritudine ad laqueum compulisse perhibet *Plinius lib. 35. c. 5.* *Phocylides* item poëta, non ille, cujus poemata supersunt, & qui Christianus fuisse videtur *Iosepho Scaligero*, quo referente, *Pythagoras* florentissimam his temporibus Scholam habuit, ex quâ *Aristoxenus* quosdam discipulos vidit, quippe ad annum supra octogessimum *Pythagoras* vivendo pervenisse existimatur.

Diâti

Diâti sæculi anno decimosexto, & antè C. N. 532. *Cleostratus* Astronomus octaëridem Atheniensibus in anno obsevandam proposuit, regnante *Cyro* Babyloniorum rege, ex Captivitate Babylonica biennio post dimittente Judæos, quorum præter servos quadraginta duo millia, trecenti, & sexagita anno septuagesimo & ultimo diâti captivitatis, qui est 3419. post creationem Mundi, & 519. antè N. C. in patriam rediere. Memoratus autem *Cleostratus*, qui Zodiaci signa deprehendisse fertur, posteaquam animadvertisset, intercalationem quarto quoque anno Olympiadio fieri solitam eidem diei Solis motum quidem restituere, sed non Lunæ motum, nonnisi octavo anno, seu post duas Olympiadas ad eundem diem reverti solitum, ut ita intercalati essent nonaginta dies seu tres menses, in Tetraëridis, seu spatii quatuor annorum locum substituit Octaërida, seu annorum octo intervallum, quo exacto Novilunia & Plenilunia ad eundem diem redirent. Memorati sæculi quinti anno vigesimo jacta sunt secundi Templi Hierosolymitani fundamenta à Judæis reversis, sed iterum à *Cyro* in Massages movente, ædificationem continuare prohibitis. Anno trigesimo, qui fuit 518. antè N. C. *Pyndarus* Poëta nascitur, & *Hecateus* Historicus innotescit; Abhinc sex annis *Democedes* Medicus in Græciam Patriam redit. Hic cum invitum in Persiâ apud *Darium* regem versaretur, & in patriam redeundi desiderio summo flagraret, quamvis diutiarum copiâ afflueret, *Atosse* uxori *Darii*, cujus mamillam scædo ulcere obsessam sanaverat, auctor fuit, ut maritum ad Græciam bello petendam instigaret, atque hoc pacto mancipia, Lacedæmonias & Athenienses foeminas nancisceretur. Placuit hoc *Dario*, qui *Democede* duce in Græciam exploratores misit defertos à *Democede* se clam subducente, atque id eo infectâ re in patriam redeuntes. Post dictum annum duobus elapsis *Phrynichus* Poëta inclarescit. A. M. 3446. ante C. N. 502. *Callias* Atheniensis minium invenit, ex arenâ rubente in metallis argenti aurum excoqui posse sperans. Celebris fuit *Heraclitus* Ephesus Philosophus cognomento *Scotinus*. 3450. 498. *Anaxagoras* Philosophus Clazomenius nascitur, & quarto anno post *Æschylus*, qui in pugna Marathonîâ fortissimè contra Persas pugnavit, & Tragediarum scriptione se nobilitavit, Persamque Tragediam post *Xerxis* ex Græciâ fugam conscripsit, moritur. Anno succedente nati sunt *Hellanicus* Historiographus, æqualis *Herodoto*, incunteque bello Peloponnesiaco 56. ætatis annum agens, ut *Gellius* habet, & *Sophocles*, ut *Vetus Criticus* notat, 3461. 487. notus fuit *Panyasis* Poëta, ac proximo anno *Chionides*, ut & *Dinolochus* Syracusanus *Epicharmi* filius, aut discipulus secundum quosdam; Comicus uterque Poëta, quorum posterior Doricâ dialecto usus est, ut *Scaliger* docet. 3466. 482. natus *Herodotus* nobilissimus Græcorum historicus, qui anno ætatis 38. historias suas prælegit, & belli Peloponnesiæ initio 53. annum egit. *Protogore* Sophistæ his

temporibus florentis libri ob impietatem Athenis publicè combusti sunt. Famæ celebritatem nactus est *Clælius* Poëta qui carmine Epico *Xerxis* bellum conscripsit. 3470. 478. *Xerxes* Persarum Rex, cui *Abas* vero in Sacris literis nomen, inauditis copiis in Græciam venit, & *Epilæte* proditore quodam transitum monstrante, superat Thermopylas, Leonidamque regem cum trecentis Spartanis, à quibus magna clade affectus erat, occidit; his adscriptum fuit sequens Epitaphium:

*Dic, Hoples, Sparta, te nos vidisse jacentes,
Dum Patriæ sanctis legibus obsequimur.*

Charon Lamsæcus historicus hoc tempore Poësis laude famosus, & *Euripides* Poëta hoc ipso anno natus fuit. Octennio elapso etiam celebrabatur *Hicæus* Tarentinus Medicus, cujus *Plato* in *Protagora* meminit. 3480. 467. *Zeuxin* Pictorem imaginum elegantissimarum picturæ celebrem reddiderunt. Novennio post *Democritus* *Aberita* celebris habetur secundum *Apollodorum* in *Chronicis*, ut *Diogenes Laërtius* ait. Duobus inde annis *Lysias* Rhetor nascitur: & circa hoc tempus florent *Empedocles* & *Parmenides*, quorum hic illi ætate fertur antecessisse: Cum his eodem tempore vixerunt *Aristarchus*, *Euripides*, ut & *Ion* Poëta Tragicus, & Lyricus, qui Tragedias docuit.

Sæculi Sexti, post ter millesimum à condito Mundo, annum, anno secundo Athenis statuariam artem exercuit *Phidias* Statuarius nominis celebritate insignis, cujus frater *Panæus* prælum adversus Persas in Marathone factum tanto pinxit artificio, ut ipsi Duces à cæteris dignosci potuerint. *Phidiam* sequuti sunt multi alii, quos recenset *Plinius lib. 34. cap. 8.* Duobus annis post *Herodotus* Athenis in Panathenæis prælegit suam historiam publicè, & coronâ donatur, quem *Thucydides* Historicus (*Clori* filius juvenis flens admiratus est. Vetustissimus est omnium solutæ orationis authorum, qui hodiè extant; scriptum originum Græcarum, & Barbararum. Vixit, inquit *Iosephus Scaliger*, *Herodotus*, dulcissima illa ἱστορία μύσα annos 52. Sexto sæculi diâti anno nominis famâ celebratus est *Melissus* Philosophus Samius, & decimo *Artemones* Clazomenius machinarum illarum constructor, quibus Samum expugnavit *Pericles*. Decimo tertio, qui est ante C. N. 435. acta Athenis *Acharnes* comædia *Aristophanis* Comici hoc tempore florentis, & Edictum latum de Comediâ non scribendâ abrogatum est. Sequente, nimirum Olympiade 86. inclauit *Phrynichus* Poëta Comicus apud Athenienses hac ipsâ Olympiade victor. Eodem *Isocrates* Rhetor celeberrimus Athenis obiit, postquam annos nonaginta octo vixisset, ut *Dionysius* tomo secundo docet. Decimo octavo ejusdem sæculi seu 430. antè C. N. *Me-* Meton. *ton* *Pausaniæ* filius non solum a quilibet & librationibus clarus, ut qui fontes Athenis induxit, sed etiam rerum Mathematicarum scientiâ nobilis, Enneadecaëteridem quam vocant, Athenis promulgavit, eam à decimo tertio die Scirophorionis Attici mensis exorsus. Nomen

(bb)

hujus